

### **Қордың басты мақсаты:**

Білім беру, ғылыми-зерттеу, ғылыми-техникалық, әлеуметтік мәдени, қайырымдылық, инновациялық басқарушылық, тұрақты даму және басқа да қоғамға пайдалы салаларда қоғамның дамуы, сонымен қатар, осы мақсатта ерікті мүлікті жарналар, заңмен тыйым салынбаған өзге де түсімдер негізінде мүлік қалыптастыру болып табылады.

### **Қор қызметінің мәні:**

- 1) Қоғамда Университеттің құндылықтары мен идеяларын жылжыту;
- 2) Қазақстанда тұлғаның зияткерлік және шығармашылық дамуына жағдайлар жасау;
- 3) Әлеуметтік, мәдени, білім беру, қайырымдылық, ғылыми-зерттеу, ғылыми-техникалық, инновациялық міндеттердің кең ауқымын шешуге арналған үлкен мәнге ие жобаларға қатысу;
- 4) Әлеуметтік, мәдени, білім беру, қайырымдылық, ғылыми-зерттеу, ғылыми-техникалық, инновациялық салаларда стипендиялар, гранттар және басқа да іс-шараларды бекіту, қаржыландыру және/немесе әкімшілік ету;
- 5) Қор қызметінің осы жарғымен қарастырылған мәніне сәйкес алынған табысты қолдану мақсатында басқарушылық қызметтер;
- 6) Университет және/немесе оның ұйымдары қызметінің мақсатына жету және іске асыру үшін жеке және заңды тұлғалардан, қоғамдық және өзге де, оның ішінде шетелдік ұйымдардан қаражат тарту (ерікті қайырмалдықтар, демеушілік қаражат, гранттар және т.б.), оның ішінде мақсатты капиталды құру мақсатында (эндаумент), сонымен қатар, фандрайзинг қызметі;
- 7) Оқытуды, ғылыми-зерттеу және кәсіби тағылымдамалардан өтуді, біліктілікті арттыруды, көрмелер, конференциялар, симпозиумдер және басқа да іс-шараларға қатысуды қаржыландыру арқылы елде жоғары кәсіби және бәсекеге қабілетті кадрларды нысаналы даярлауды өамтамасыз етуге көмек көрсету;
- 8) Университеттің талантты және дарынды студенттерінің ғылыми-зерттеу және оқу-танымдық қызметін ынталандыру үшін

студенттерді стипендиямен, сондай-ақ атаулы стипендиямен қамтамасыз ету және/немесе оқу кезеңіндегі шығыстарды жабу;

9) Университеттің және/немесе оның ұйымдарының студенттерін және қызметкерлерін әлеуметтік қамтамасыз ету;

10) Қордың мақсаттарына сәйкес жобаларды енгізу және іске асыру мақсатында заңды тұлғалармен, оның ішінде шетелдік ұйымдармен, заңды тұлғалармен байланыс орнату;

11) Қордың инвестициялық саясатын және Университеттің және/немесе оның ұйымдарының әлеуметтік саясатын іске асыру үшін объектілер құрылысын қаржыландыру және/немесе аяқталған және аяқталмаған құрылыстың жылжымайтын объектілерінде тұрғын және/немесе тұрғын емес үй-жайларды сату, жалға беру, сатып алу құқығымен жалға беру;

12) Жеке және заңды тұлғаларға, оның ішінде Университеттің немесе оның ұйымдарының қызметкерлеріне тұрғын және/немесе тұрғын емес үй-жайларды сату, жалға беру, сатып алу құқығымен жалға беру;

13) Қамкоршылық кеңестің шешімі бойынша ақшалай түрде заңды тұлғаларға пайызсыз қарыз, сондай-ақ, кепілдіктер мен кепілгерліктер беру;

14) Қаржылық ұйымдардың, инвестициялық қорлардың акцияларын сатып алу, иемдену, қолдану және иелік ету (тікелей немесе жанама);

15) Бағалы қағаздар нарығындағы инвестициялық қызмет;

16) Қамкоршылық кеңестің шешімі бойынша жобалар мен бағдарламаларды басқару, әкімшілік ету, қаржыландыру, дамыту және үйлестіру;

17) Әлеуметтік зерттеулер мен сауалнамалар жүргізу;

18) Дәрістер, баяндамалар, конференциялар, симпозиумдер, сайыстар, байқаулар және басқа да іс-шараларды ұйымдастыру;

19) Қорға заңды тұлғалармен басқарылуға берілген объектілерді қосқанда, кеңсе, зертханалық, тәжірибелік-өнеркәсіптік ғимараттар мен үй-жайларды жалға беруге әкімшілік ету;

20) Қазақстан Республикасының заңнамасымен тыйым салынбаған өзге де қызметті жүзеге асыру.